



Broj: 16-12-16-4591-11 /19
I. Sarajevo, 01.07 2019. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 21.06.2019. godine, na preporuku Komisije I za provođenje postupka nabavke za potrebe Državne agencije za istrage i zaštitu u 2019. godini broj 16-12-16-4591/19 od od 24.06.2019. godine, u postupku javne nabavke internet usluga za potrebe Državne agencije za istrage i zaštitu, direktor Državne agencije za istrage i zaštitu,
d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku internet usluga za potrebe Državne agencije za istrage i zaštitu

Član 1.

U postupku javne nabavke internet usluga za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije I za provođenje postupka nabavke za potrebe Državne agencije za istrage i zaštitu u 2019. godini broj 16-12-16-4591/19 od od 24.06.2019. godine, ugovor se dodijeljuje i to za:

- LOT 1 - Nabavka internet usluga u Tuzli putem fizičke linije, ponuđaču "BH Telecom" d.d. Sarajevo, ponuda broj 16-12-16-4591-8/19 od 12.06.2019. godine, za ponuđenu cijenu 816,00 KM bez uračunatog PDV-a;
- LOT 2 - Nabavka internet usluga u Banja Luci putem fizičke linije, ponuđaču "Blicnet" d.o.o. Banja Luka, ponuda broj 16-12-16-4591-6/19 od 12.06.2019. godine, za ponuđenu cijenu 804,00 KM bez uračunatog PDV-a;
- LOT 3 - Nabavka internet usluga u Istočnom Sarajevu putem fizičke linije, ponuđaču "Mtel" a.d. Banja Luka, ponuda broj 16-12-16-4591-7/19 od 12.06.2019. godine, za ponuđenu cijenu 42.552,00 KM bez uračunatog PDV-a.

Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-4591-1/19 od 23.05.2019. godine pokrenut je postupak javne nabavke internet usluga za potrebe Agencije, na period dvije godine, procijenjene vrijednosti 45.144,00 KM bez PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2019. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2019. godine („Službeni glasnik BiH“, broj 25/19). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podjeljen je na lotove:

- LOT 1 - Nabavka internet usluga u Tuzli putem fizičke linije, procijenjene vrijednosti 816,00 KM bez uračunatog PDV-a;
- LOT 2 - Nabavka internet usluga u Banja Luci putem fizičke linije, procijenjene vrijednosti 816,00 KM bez uračunatog PDV-a;
- LOT 3 - Nabavka internet usluga u Istočnom Sarajevu putem fizičke linije, procijenjene vrijednosti 42.552,00 KM bez uračunatog PDV-a;
- LOT 4 - Nabavka internet usluga u Mostaru putem fizičke linije, procijenjene vrijednosti 960,00 KM bez uračunatog PDV-a.

Komisija I za nabavke za potrebe Državne agencije za istrage i zaštitu u 2019. godini (u daljem tekstu: Komisija), dostavila je Izvještaj o radu broj 16-12-16-4591/19 od 24.06.2019. godine sa preporukom o izboru najpovoljnijeg ponuđača u postupku javne nabavke internet usluga za potrebe Agencije.

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 12.06.2019. godine do 13,00 sati, te da se ponude dostavljaju u zatvorenoj koverti, Komisija je dana 12.06.2019. godine do 14,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju prisustvovali su ovlašteni predstavnici ponuđača "Mtel" a.d. Banja Luka i "BH Telecom" d.d. Sarajevo.

Blagovremeno su dostavljene ukupno tri ponude i to:

| R/B | Naziv/ime ponuđača | LOT | Ponuđena cijena (bez PDV-a) u KM |
|-----|-----------------------------|-------|----------------------------------|
| 1. | "Blicnet" d.o.o. Banja Luka | LOT 2 | 804,00 KM |
| 2. | "Mtel" a.d. Banja Luka | LOT 2 | 816,00 KM |
| | | LOT 3 | 42.552,00 KM |
| 3. | "BH Telecom" d.d. Sarajevo | LOT 1 | 816,00 KM |

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači "Blicnet" d.o.o. Banja Luka (LOT 2), "Mtel" a.d. Banja Luka (LOT 2 i LOT 3) i "BH Telecom" d.d. Sarajevo (LOT 1), ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

Komisija je utvrdila da je ponuđač "Blicnet" d.o.o. Banja Luka (LOT 2), dostavio dokaz - Potvrdu Vanjskotrgovinske komore Republike Srpske broj 04-15-1502-1/19 od 11.06.2019. godine o preferencijalnom tretmanu domaćeg, dok su ponuđači "BH Telecom" d.d. Sarajevo (LOT 1) i "Mtel" a.d. Banja Luka (LOT 2 i LOT 3), dostavili Izjavu o preferencijalnom tretmanu domaćeg.

Komisija je aktom broj 16-12-16-4591/19 od 14.06.2019. godine od Sektora za operativnu podršku, Odsjeka za informatiku, komunikacije i sigurnost informatičkih sistema, tražila da na osnovu uvida u pristigle ponude ponuđača "Blicnet" d.o.o. Banja Luka (LOT 2), "Mtel" a.d. Banja Luka (LOT 2 i LOT 3) i "BH Telecom" d.d. Sarajevo (LOT 1), dostave stručno mišljenje u vezi postavljenih tehničkih uslova u Konkurentskom zahtjevu. Sektor za operativnu podršku, Odsjek za informatiku, komunikacije i sigurnost informatičkih sistema aktom broj 16-10/3-16-4591/19 od 18.06.2019. godine, dostavio je stručno mišljenje, u kojem je navedeno da sve ponude zadovoljavaju tražene tehničke uslove u Konkurentskom zahtjevu.

Budući da je Konkurentskim zahtjevom za postupak javne nabavke internet usluga za potrebe Agencije predviđeno provođenje e-aukcije u skladu sa Pravilnikom, Komisija je za prihvatljive ponude ponuđača "Blicnet" d.o.o. Banja Luka (LOT 2) i "Mtel" a.d. Banja Luka (LOT 2), zakazala e-aukciju za dan 21.06.2019. godine u trajanju od 20 minuta u periodu od 10,00 do 10,20 sati.

Kako je za LOT 1 i LOT 3 dostavljena jedna prihvatljiva ponuda, Komisija u smislu člana 3. stav (3) Pravilnika nije zakazivala provođenje e-aukcije, nego je postupka za navedene lotove okončan u skladu sa odredbom člana 69. Zakona, primjenjujući kriterij najniže cijene tehnički zadovoljavajuće ponude iz tačke 9.1. Konkurentskog zahtjeva i sačinila rang listu ocijenjenih ponuda, kako slijedi:

| Redni broj | Naziv ponuđača | LOT | Vrijednost ponude (bez PDV-a) |
|------------|----------------------------|-------|-------------------------------|
| 1. | "BH Telecom" d.d. Sarajevo | LOT 1 | 816,00 KM |
| 2. | "Mtel" a.d. Banja Luka | LOT 3 | 42.552,00 KM |

Prema Izvještaju o toku i završetku e-aukcije od 21.06.2019. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

| Redni broj | Naziv ponuđača | Vrijednost ponude (bez PDV-a) | Rang |
|------------|-----------------------------|-------------------------------|------|
| 1. | "Blicnet" d.o.o. Banja Luka | 804,00 KM | 1 |
| 2. | "Mtel" a.d. Banja Luka | 816,00 KM | 2 |

U skladu sa Izvještajem o toku i završetku e-aukcije od 21.06.2019. godine za LOT 2, Komisija je utvrdila da je za navedeni postupak nije bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika.

Nakon provođenja e-aukcije i postupka ocjenjivanja dostavljenih ponuda, uz stručno mišljenje Sektora za operativnu podršku, Komisija je utvrdila da je ponuda ponuđača "BH Telecom" d.d. Sarajevo ocijenjena kao najpovoljnija ponuda za LOT 1, da je ponuda ponuđača "Blicnet" d.o.o. Banja Luka ocijenjena kao najpovoljnija ponuda za LOT 2 i da je ponuda ponuđača "Mtel" a.d. Banja Luka ocijenjena kao najpovoljnija ponuda za LOT 3, da iste ne premašuju procijenjenu vrijednost javne nabavke, te da podliježu primjeni preferencijalnog tretmana domaćeg.

Cijeneći naprijed navedeno, shodno Izvještaju o toku i završetku e-aukcije od 21.06.2019. godine, prihvaćena je preporuka iz Izvještaja o radu Komisije i odlučeno da se ugovor u postupku javne nabavke internet usluga za potrebe Agencije, na period od dvije godine, dodijeli ponuđaču "BH Telecom" d.d. Sarajevo za LOT 1, ponuđaču "Blicnet" d.o.o. Banja Luka za LOT 2 i ponuđaču "Mtel" a.d. Banja Luka za LOT 3, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

